



Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

Wilhelmvs, Comes Hollandiae.

urn:nbn:de:hbz:466:1-11884

runt apud Herbipolum Henricum, Lantgrauium
Thuringiae in Regem.

WILHELMVS, COMES HOLLANDIÆ.

An. 1247. refert idem Albertus: Papa Henrīcū Landgrauium mortuum intelligēs, Petrum Capucium de Aureo velo, diaconum Cardinalem misit in Teutoniam, qui euocatis Archiepiscopis, & Episcopis, quos potuit, Concilium prope Coloniam celebravit Festo Michaelis, & feria 5. post Michaelis VVilhelmus frater Comitis Hollandiae, à quibusdam Episcopis & Comitibus in Nussia in Regem Romanum ad gubernandum imperium est electus, & an. 1249. vt idem testatur, Aquisgrani coronatus: quē an. 1256. quo Chronica sua finit, idem Albertus refert à Frisonib. interemptū.

Cum Alberto per omnia congruit Fragmētum Historicum, cuius Author ad finem historiæ: Mortuo verò, inquit, Henrico Rege, Innocentius Papa pro alio Rege laborabat, & inter Principes non inuenit aliquem, qui se de Regno vellet intrumittere contra Fridericum & filium suum Conradum. Tandem Dux Brabantiae filium sororis suæ VVilhelμum, Comitem Hollandiae, Domino Papæ, & Episcopis Alemanniæ præsentauit: Quem Episcopi elegerunt in Regem apud Coloniam, promittentes ei iuramento præstito, rebus & personis fideliter assistere. Qui cum Episcopis, Comitibus, & Nobilibus obsedit Aquisgranum & firmissimum castrum Kensisberg verò. Verde in fluvio Rheni, & Ingelheim, quæ om-

114 SAXONIA CATHOLICA.

nia sibi subiugauit. Colonia, Moguntia, & Argentina Ecclesiæ assistebant, sed VVormatia, Spira, & alia Ciuitates & Oppida Rheni, Sueviae, & Bauariae, & Metis fauebant Friderico, & filio suo.

An Do. MCCL Fridericus, inquit idem, amissus Thesauris suis, & rebus alijs in Apuliam rediens, ibi graui infirmitate correptus, defunctus est. Et anno seq. 1251. Conradus Rex, filius Friderici, ut mortuo patre Siciliae Regnum susciperet, per mare in Apuliam deuenit, & capta Neapoli muros illius funditus destruxit, sed cum sequente anno introitus sui in Apuliam infirmari cœpisset, clystere quod à Medicis iudicabatur ad salutem, veneno mixto intulit sibi mortem. Posthac VVilhelmus Rex à Frisonibus occisus est.

RICHARDVS
Anglus.

HAEC audiens Episcopus Colonensis ad Angliam perrexit, & inde duxit Richardum Ducem Cornubiæ, quem ipse & Episcopus Moguntensis elegerunt in Regem, scilic. principaliter. Præter eos enim ipsum quoque elegisse Comitem Palat. & Henricum Ducem Bauariae multosq; alios, publicis literis suis, de quibus infrà, satetur Rudolphus Imp. Et paulò post cum deficerent ipsi pecuniæ, dederunt ei libellum repudiij, & per aliam viam reuersus est in regionem suam: cuius Regis memoria cum sonitu pergit. Tunc vacauit Regnum Romanorum annis XXII.